

傷寒續論下冊

傷寒續論卷下

長洲張略

登誕先

男

倬飛疇

黎訂

從學郭求友三較正

藏結結胸痞篇

問曰。病有結胸。有藏結。其狀何如。答曰。按之痛。寸脈浮。關脈沉。名曰結胸也。何謂藏結。答曰。如結胸狀。飲食如故。時時下利。寸脈浮。關脈小。細沉緊。名曰藏結。

舌上白胎滑者難治。

結胸者陽邪結於陽也。藏結者陰邪結於陰也。然胸位高藏位卑。其脉之寸浮關沉。兩俱無異。但藏結之關脉更加小細而緊者。以關脉居上下二焦之界。外邪由此下結。積氣由此上干。實往來之要衝。所以病在下而脉反困於中也。若見舌上白胎滑。則外邪固結於裏。其勢最重。以表裏兩解之法俱不可用。故爲難治。其不出方者。正欲人深究其旨而施治。非不治也。治之務在分解表裏錯雜之邪。

使陰氣漸下而內消。客邪漸上而外散。庶可圖功於萬一也。

藏結無陽證。不往來寒熱。其人反靜。舌上胎滑者。不可攻也。

藏結之所以不可攻者。從來置之不講。以爲仲景未嘗明言。後人無從知之。不知仲景言之甚明。人第不參討耳。夫所謂不可攻者。乃無戒之辭。正欲人詳審其攻之之次第也。試思藏已結矣。匪攻而結。何由開耶。所謂其外不解者。尚未可攻。又謂下

利嘔逆不可攻。又謂表解乃可攻痞。言之已悉。於此特出一訣。謂藏結無陽證。不往來寒熱。其人反靜。則證不在六經之表裏。而在上焦下焦之兩途。欲知其候。但觀舌上有無胎滑。有之則外感之陽熱。挾痞氣而反在下。素痞之陰寒。挾熱勢而反在上。此與裏證已具表證未除者。相去不遠。但其陰陽悖逆。格拒不入。證轉凶危耳。豈結胸膈內拒痛。而藏結腹內不拒痛耶。此而攻之。是速其痛。引陰筋而死。不攻則病不除。所以以攻爲戒。是則調其

陰陽使之相入。而滑胎既退。然後攻之。則邪熱外散。寒氣內消。此持危扶顛之真手眼也。

病脇下素有痞。連在臍傍。痛引少腹。入陰筋者。此名藏結死。

按病人素有動氣。在當臍上下左右。則不可發汗。素有痞氣。在脇下連臍傍。則不可攻下。醫不細詢。病家不明告。因而貽禍者多矣。

已上藏結例

病發於陽而反下之。熱入因作結胸。病發於陰而反

下之。因作痞。所以成結胸者。以下之太早故也。

病發於陽者。太陽表證誤下。邪結於胸也。病發於

陰者。皆是內挾痰飲。外感風寒。中氣先傷。所以汗

下不解。明心下痞也。凡結胸正在胸中。此正太陽

全盛之邪。因誤下乘虛而入。故曰熱入因作結胸。

是處方名爲陷胸。若痞則多偏胸脇。而無正中結

散。但言因作痞。而不用熱入二字。其邪之

盛衰可知。是處方名爲瀉心。觀其主治。則虛實迥

然不侔。則知表邪爲陽。裏邪爲陰也。明矣。或言中

風爲邪。陽寒爲陰邪。安有風傷衛氣。氣受傷而反變。結胸。寒傷營血。血受傷而反成痞之理。復有誤。直中陰寒之陰。下早變成痞者。則陰寒本無實熱。何得有下早之變。設陰結陰躁而誤下之。立變危。逆恐不至於成痞。停日待變而死也。

太陽病。脈浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒者。表未解也。醫反下之。動數變遲。膈內拒痛。胃中空虛。客氣動膈。短氣躁煩。心中懊懣。陽氣內陷。心下因鞭。則爲結

胸大陷胸湯主之。若不結胸。但頭汗出。餘處無汗。劑頸而還。小便不利。身必發黃也。

脉浮而動數。雖主風熱。亦主正虛。虛故邪持日久。頭痛發熱惡寒。表終不解。醫不知其邪持太陽。未傳他經。反誤下之。於是動數之脉變遲。而在表之證變結胸矣。動數變遲。三十六字。形容結胸之狀。殆盡。蓋動數爲欲傳之脉。變遲則力綿勢緩。而不能傳。且有結而難開之象。膈中之氣。與外實之邪。兩相格闘。故爲拒痛。胃中水穀所生之精悍。因悞

下而致虛則不能藉之以衝開外邪反爲外邪衝動其膈於是正氣往返邪逼之界覺短氣不足以息更煩躁有加遂至神明不安無端而生懊懣凡此皆陽邪內陷所致也

結胸者項亦強如柔瘕狀下之則利宜大陷胸圓

結胸而至頸項亦強證愈篤矣蓋胸間邪結緊實

項勢常昂有似柔瘕之狀然瘕病身首俱張此但

項強原非瘕也借此以驗胸邪十分緊逼以大陷

胸湯下之恐過而不留卽以大陷胸圓下之又恐

滯而不行。故煮而連滓服之。然後與邪相當。觀方中用人黃。芒硝。甘遂。可謂峻矣。而更加葶藶。杏仁。以射肺邪。而上行其急。煮時又倍加白蜜。以留戀潤導之。而下行其緩。必識此意。始得用法之妙。

結胸證。其脉浮大者。不可下。下之則死。

胸既結矣。不當下以開其結。然脉浮大。則表邪未盡。下之是令結而又結也。所以致死。此見一誤不

堪再誤也。

結胸證悉具。煩躁者亦死。

亦字承上見結胸證全具。更加煩躁。卽不下亦主死也。煩躁曷爲主死耶。蓋邪結於胸。雖藉藥力以開之。而所以載藥力上行者。胃氣也。胃氣克溢於津液之內。汗之津液一傷。下之津液再傷。全熱邪搏飲結於當胸。而津液又急奔以應上。正有不盡不已之勢。胃氣再絕。能無敗乎。此結胸諸法。見幾於早。兢兢以滌飲爲先務。飲滌則津液自安矣。傷寒六七日。結胸熱實。脉沉而緊。心下痛。按之石慳者。大陷胸湯主之。

熱實二字形容結胸之狀甚明。見邪熱填實於膈間也。前條言寸脈浮。關脈沉。此言脈沉緊更明。蓋緊脈有浮沉之別。浮緊主傷寒無汗。沉緊主傷寒結胸。則知結胸非中風下早而成也。

傷寒十餘

結在裏。復往來寒熱者。與大柴胡湯。

但結胸無

者。此爲水結在胸脇也。但頭微汗出。

者。大陷胸湯。

之。

治結胸證

所用陷胸之法者。以外邪挾內飲搏結。

胸間未全入於裏也。

若十餘日熱結在裏。則是無。

形之邪

熱蘊結。必不定在胸上。而非結胸明矣。加

以往來

寒熱仍兼半表。當用大柴胡湯。兩解表裏

之邪

於胸膈之義無取也。無大熱與上文熱實

互意。內

陷之邪。但結胸間而表裏之熱反不熾盛。

是為水

邪在胸膈。其人頭有微汗。乃邪在高而

陽氣不

下達之明徵。此則主用大陷胸湯。允為

的對也。

太陽病。重

發汗而復下之。不大便五六日。舌上燥而

渴。日晡所

小有潮熱。從心下至少腹鞭滿。而痛不可

近者大陷胸湯主之。

不大便燥渴日晡潮熱少腹硬滿證與陽明頗同。

但小有潮熱則不似陽明之大熱從心下至少腹

手不可近則陽明又不似此大痛因是辨其爲太

陽結也。陽明內實也。緣誤汗誤下重傷津液不

大便而燥渴潮熱更加痰飲內結必用陷胸湯由

胸脇以及胃腸始得蕩滌無餘若但下腸胃結熱

反遺膈痰飲則非法矣。

太陽少陽病而反下之成結胸。心下硬下利不止

水漿不。其人心煩。

此條雖係併病。以其反下之而成結胸。當隨見所變之證。而歸重於結胸也。誤下之變。乃致結胸下利。上下交征。而陽明之居中者。水漿不入。心煩待斃。傷寒顧可易言哉。

小結胸病正在心下。按之則痛。脈浮滑者。小陷胸湯主之。

小結胸病正在心下。則不似大結胸之高在心上也。按之則痛。比手不可近。則較輕也。而脈之浮又

淺於沉滑又緩於緊可見其人外邪陷入原微但
痰飲素盛挾熱邪而內結所以脉見浮滑也黃連
半夏
蔓實藥味雖平而泄熱散結亦是突圍而
入
名爲小陷胸也

寒實結胸無熱證者與三物小陷胸湯白散亦可服
寒實結胸乃寒飲結聚而無大熱也意謂小陷胸
半夏
實足以去其痰飲又慮黃連難祛寒實
故又主白散取巴豆之辛熱破結貝母之苦寒開
鬱桔梗
載之上涌爲的當耳